

**OKVIRNI SPORAZUM
SUKCESIVNA NABAVKA USLUGE POPRAVKE UREĐAJA EKIN PATROL G2 ZA
POTREBE UPRAVE POLICIJE MINISTARSTVA UNUTRAŠNJIH POSLOVA
KANTONA SARAJEVO**

Strane u okvirnom sporazumu:

1. MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE, La Benevolencija br. 16, koju zastupa policijski komesar Generalni inspektor policije Fatmir Hajdarević, (u daljem tekstu: Ugovorni organ)

i

2. MIBO Komunikacije d.o.o. Sarajevo, Tvornička 3, 71210 Ilidža-Sarajevo, ID broj: 4200470540005 kojeg zastupa direktor Marko Boštjančič, (u daljem tekstu: Dobavljač)

Član 1.

Strane u okvirnom sporazumu saglasno konstatuju:

- da je Ugovorni organ u skladu sa Zakonom o javnim nabavkama ("Službeni glasnik BiH" broj: 39/14, 59/22 i 50/24) proveo otvoreni postupak za sukcesivnu nabavku usluge popravke uređaja EKIN Patrol G2 za potrebe Uprave policije Ministarstva unutrašnjih poslova Kantona Sarajevo, sa ciljem zaključivanja okvirnog sporazuma sa jednim ponudačem na period od 36 (tridesetšest) mjeseci;
- Okvirni sporazum ne predstavlja obavezu Dobavljača na zaključivanje ugovora o javnoj nabavci;
- Obaveza nastaje zaključivanjem pojedinačnih ugovora o javnoj nabavci, na osnovu ovog okvirnog sporazuma, u zavisnosti od potreba Ugovornog organa, a pod uslovima utvrđenim u ponudi dobavljača broj 26-0100-000490 od 15.07.2026. godine.

Član 2.

Predmet okvirnog sporazuma je utvrđivanje uslova za zaključivanje pojedinačnih ugovora o javnoj nabavci usluge popravke uređaja EKIN Patrol G2 za potrebe Uprave policije Ministarstva unutrašnjih poslova Kantona Sarajevo, u skladu sa uslovima iz tenderske dokumentacije, ponudom Dobavljača, odredbama ovog okvirnog sporazuma i stvarnim potrebama Ugovornog organa.

Količine navedene u specifikaciji su okvirne i vrijede za vrijeme važenja okvirnog sporazuma.

Član 3.

Ukupna vrijednost ovog okvirnog sporazuma bez PDV-a iznosi 177.518,00 (jednastotinasedamdesetsedamhiljadapetstotinaosamnaest i 00/100) KM.

Cijene su fiksne i ne mogu se mijenjati za vrijeme važenja ovog okvirnog sporazuma.

Pojedinačni ugovori unutar Okvirnog sporazuma mogu se zaključivati samo do iznosa ukupne vrijednosti Okvirnog sporazuma, dakle okvirni sporazum prestaje sa važenjem utroškom cjelokupne vrijednosti Sporazuma i ne može premašiti ugovorenu vrijednost na koju je Okvirni sporazum sklopljen.

Ukoliko Ugovorni organ potroši svoja naprijed navedena sredstva za realizaciju predmetne nabavke i prije isteka roka na koji je sklopljen Okvirni sporazum, isti će se smatrati automatski raskinutim sa danom posljednje izvršene isporuke, odnosno plaćanja fakture za isto.

Član 4.

Nakon zaključivanja okvirnog sporazuma, ugovorne strane će zaključiti pojedinačne ugovore o javnoj nabavci.

Pri zaključivanju pojedinačnog ugovora, ne mogu se mijenjati bitni uslovi iz ovog okvirnog sporazuma.

Usluge iz člana 2. ovog okvirnog sporazuma će se izvršavati sukcesivno, u skladu sa potrebama Ugovornog organa.

Mjesto izvršenja usluga je Ovlašteno predstavništvo ili ovlaštenu servis u Bosni i Hercegovini i/ili van granica Bosne i Hercegovine.

Za usluge popravke će biti nadležni ovlaštenu predstavništva i/ili ovlaštenu servisi. U slučajevima kada je potrebno servisiranje van granica Bosne i Hercegovine, nadležna su ovlaštena predstavništva i/ili ovlaštenu servis sa kojima bude sklopljen Okvirni sporazum i Ugovor o nabavci usluga popravke uređaja EKIN Patrol G2.

Član 5.

Ugovorni organ zadržava pravo raskida Okvirnog sporazuma ukoliko isporučena usluga/roba u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Sporazumne strane su saglasne da svaka strana može jednostrano raskinuti ovaj okvirni sporazum i unutar njega zaključene pojedinačne ugovore i zadržati pravo na naknadu štete zbog raskidanja okvirnog sporazuma/ugovora u slijedećim slučajevima:

- ako Dobavljač kasni sa isporukom, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati okvirni sporazum/ugovor (stečaj, likvidacija i sl.);
- ako neka od sporazumnih/ugovornih strana svoje dospelje obaveze ne ispuni ni u naknadno prihvatljivom roku za sve sporazumne/ugovorne strane;
- ako je iz okolnosti posla jasno da jedna od sporazumnih/ugovornih strana neće moći ispuniti svoju obavezu i onda kada bilo koja sporazumna/ugovorna strana izjavi da svoju obavezu neće ispuniti.

Obavještenje o jednostranom raskidu okvirnog sporazuma i unutar njega zaključenog pojedinačnog ugovora mora se dostaviti drugoj sporazumnoj/ugovornoj strani isključivo u pismenom obliku.

Član 6.

Dobavljač je dužan da posjeduje važeće ovlaštenje/certifikat proizvođača EKIN za usluge popravke uređaja EKIN Patrol G2 te da osigura da ovlaštenje proizvođača za usluge popravke uređaja EKIN Patrol G2, odnosno za cijelo vrijeme izvršenja ugovornih obaveza.

U slučaju isteka, suspenzije ili opoziva ovlaštenja proizvođača, izabrani dobavljač je dužan bez odlaganja obavijestiti Ugovorni organ i obezbijediti drugo važeće ovlaštenje proizvođača, bez dodatnih troškova za ugovorni organ. Neispunjavanje obaveze nabavku usluge popravke uređaja EKIN Patrol G2 u ovlaštenom servisu tokom garantnog roka i vangarantnog roka smatrat će se bitnom povredom ugovornih obaveza i može biti osnov za raskid ugovora i/ili aktiviranje ugovorne kazne.

Ugovorni organ zadržava pravo provjere vjerodostojnosti dostavljenih ovlaštenja direktno kod proizvođača.

Član 7.

Ovaj Okvirni sporazum se zaključuje na period od 36 (tridesetšest) mjeseci, a stupa na snagu danom obostranog potpisivanja sporazumnih strana.

Član 8.

Dobavljač nema pravo zapošljavati, u svrhu izvršenja Okvirnog sporazuma i unutar njega zaključenih pojedinačnih ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga okvirnog sporazuma, odnosno od početka realizacije Okvirnog sporazuma.

Član 9.

Ugovorni organ zadržava pravo raskida Okvirnog sporazuma ukoliko izvršena usluga u smislu kvaliteta i svih drugih elemenata ne bude u potpunosti odgovarala uslovima iz prihvaćene ponude Dobavljača.

Član 10.


Na ostala prava i obaveze ugovornih strana, koja nisu regulisana ovim okvirnim sporazumom, primjenjivat će se odredbe Zakona o obligacionim odnosima.

Član 11.

Eventualno nastale sporove pri realizaciji ovog okvirnog sporazuma, strane u Okvirnom sporazumu će rješavati sporazumno, a ukoliko to nije moguće, utvrđuje se stvarna nadležnost Suda u Sarajevu.

Član 12.

Ovaj Okvirni sporazum izrađen je u četiri (4) istovjetna primjerka, od kojih po dva (2) zadržava svaka strana.

**DOBAVLJAČ**
MIBO Komunikacije d.o.o. Sarajevo

Marko Boštjančić, direktor

**UGOVORNI ORGAN**
MUP KANTON SARAJEVO
UPRAVA POLICIJE

POLICIJSKI KOMESAR
Generalni inspektor policije
Fatmir Hajdarević

Broj: 26-02-047
Datum: 24.08.2026.

Broj: 02-11-4-3624-7/26
Datum: 14.08.2026. godine